

Supsidijarni sporazum

(Distribucija električne energije u BiH /C)

između

BOSNE I HERCEGOVINE

i

FEDERACIJE BOSNE I HERCEGOVINE

Na dan

2014. godine

JK

SUPSIDIJARNI SPORAZUM

SPORAZUM, na dan _____ 2014. godine između BOSNE I HERCEGOVINE (Zajmoprimac) i FEDERACIJE BOSNE I HERCEGOVINE (Federacija).

PREAMBULA

BUDUĆI DA se Ugovorom o finansiranju, od 19. maja 2014. godine i 05. juna 2014. godine ("Ugovor o finansiranju") između Bosne i Hercegovine i Evropske investicione banke ("Banka"), Banka složila da Zajmoprimcu stavi na raspolaganje kredit, pod uslovima i rokovima navedenim u Ugovoru o finansiranju u iznosu od petnaest miliona eura (EUR 15.000.000) (Kredit) kao pomoć u finansiranju projekta opisanog u Prilogu A Ugovora o finansiranju (Projekt).

Zajmoprimac i Federacija zaključuju ovaj Supsidijarni sporazum za prenos prava i obaveza u skladu sa Zakonom o zaduživanju, dugu i garancijama Bosne i Hercegovine („Službeni glasnik BiH“, br. 52/05 i 103/09), te na osnovu Ugovora o finansiranju.

ČLAN I

Opšte odredbe

Svi pojmovi, uslovi i rokovi iz Ugovora o finansiranju i Okvirnog ugovora između Zajmoprimca i Banke će se primjenjivati u punoj snazi i učinku na ovaj Sporazum.

ČLAN II

Finansiranje projekta

Zajmoprimac će staviti na raspolaganje sredstva kredita za potrebe finansiranja Projekta Distribucija električne energije u BiH/C, u iznosu od petnaest miliona eura (EUR 15.000.000) pod istim uslovima pod kojima je Zajmoprimac uzeo kredit od Banke.

Za svako povlačenje sredstava koje će vršiti Zajmoprimac po Ugovoru o finansiranju, Elektroprivreda BiH d.d. Sarajevo će putem Federalnog ministarstva finansija dostaviti Zajmoprimcu originalni zahtjev u kome će navesti iznos ekvivalentan vrijednosti finansiranja Projekta koji se finansira od tog povlačenja sredstava, u formi zadovoljavajućoj za Zajmoprimca i za Banku.

Zajmoprimac će Federaciji zaračunati kamatu, fiksnu ili varijabilnu, izračunatu po proceduri Banke, a po kojoj je Banka odobrila kredit Zajmoprimcu, kako je definisano u Članu 3. Ugovora o finansiranju.

Zajmoprimac će Federaciji zaračunati iznos glavnice Kredita, te druge troškove koji se mogu pojaviti u vezi sa izvršenjem i implementacijom Ugovora o finansiranju.

Zajmoprimac će obavijestiti Federaciju o planu otplate, u skladu sa Članom 2.03. i 4.01. Ugovora o finansiranju.

ČLAN III

Obaveze Federacije

Federacija se obavezuje da će omogućiti korištenje sredstava Elektroprivredi BiH d.d. Sarajevo u svrhu izvršenja Projekta u skladu sa Ugovorom o finansiranju, te da će sredstva biti namjenski iskorištena.

Federacija je saglasna da se dospjele obaveze po osnovu Ugovora o finansiranju sa Bankom (uključujući glavnice, kamate, proviziju na neiskorištena sredstva, jednokratnu proviziju, troškove razrješenja, administrativne troškove i bilo koje druge troškove) plaćaju sa računa MFT „depoziti CV BiH – Servisiranje vanjskog duga podračun FBiH (063111)“ na teret Jedinstvenog računa Uprave za indirektno oporezivanje u skladu sa članom 12. Zakona u uplatama na jedinstveni račun i raspodjeli prihoda („Službeni glasnik BiH“ broj 55/04).

Federacija će redovno informisati Zajmoprimca o implementaciji Projekta i redovno dostavljati sve izvještaje koje dostavlja Banci i druge izvještaje po potrebi.

ČLAN IV

Obaveze Zajmoprimca

Zajmoprimac se obavezuje da će preduzeti sve neophodne radnje da se omogući Federaciji da izvršava svoje obaveze po ovom Supsidijarnom sporazumu i neće dozvoliti da se preduzmu radnje koje bi sprječavale Federaciju da izvrši svoje obaveze po ovom sporazumu i po ugovorima u kojima je Federacija jedna od strana.

Zajmoprimac se obavezuje da će redovno dostavljati Federaciji izvode kreditora o kreditnim sredstvima povučenim za finansiranje Projekta 15 dana po prijemu.

JK

ČLAN V**Rješavanje sporova**

Svi sporovi nastali na osnovu ovog Sporazuma ili u vezi sa istim, a koji se ne mogu prijateljski riješiti između Zajmoprimca i Federacije će se konačno riješiti na nadležnim sudovima u Bosni i Hercegovini.

ČLAN VI**Suspenzija, otkazivanje**

Ako pravo Zajmoprimca na isplatu Kredita bude suspendovano ili ukinuto od strane Banke shodno odredbama Ugovora o finansiranju, pravo Federacije na isplatu kredita će isto tako i istovremeno biti suspendovano ili otkazano, u zavisnosti od slučaja. Sve druge odredbe ovog Sporazuma će se nastaviti u punoj snazi i učinku bez obzira na bilo koje otkazivanje ili suspenziju po Ugovoru o finansiranju.

ČLAN VII**Razne odredbe**

Ovaj Sporazum stupa na snagu na datum na koji Ugovor o finansiranju stupa na snagu.

Bilo koja obavijest ili zahtjev koji se traži ili dozvoljava da se daje po ovom Sporazumu i svi sporazumi između strana će biti u pismenoj formi.

Sljedeće adrese su navedene u svrhe ovog Sporazuma:

Za Bosnu i Hercegovinu

Ministarstvo finansija i trezora
Trg BiH 1
71000 Sarajevo
Bosna i Hercegovina

Za Federaciju Bosne i Hercegovine:

Federalno ministarstvo financija
Ul. Mehmeda Spahe 5.
71000 Sarajevo
Bosna i Hercegovina

Ako se bilo koja od gornjih adresa i/ili imena promjene, strana koje se to tiče će odmah obavijestiti druge strane pismeno o novim adresama i/ili imenima.

Ovaj Sporazum će prestati da važi na datum na koji prestaje važenje Ugovora o finansiranju, po izmirenju svih obaveza.

Ovaj Sporazum je sačinjen u četiri (4) istovjetna primjerka od kojih svaka strana zadržava po dva (2) primjerka.

U PRISUSTVU DOLE POTPISANIH, strane istog, djelujući preko svojih u cijelosti ovlaštenih predstavnika, potpisali su ovaj Sporazum svojim odgovarajućim imenima.

ZA BOSNU I HERCEGOVINU

ZA FEDERACIJU BOSNE I HERCEGOVINE

Ministar finansija i trezora

Federalni ministar finansija

JK